

**MESYUARAT KEDUA PENGGAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(A)1

**SOALAN LISAN OLEH AHLI KAWASAN BATU LANCANG
YB. ONG AH TEONG**

1. Kadar kematian telah meningkat di Pulau Pinang akibat pandemik COVID-19.
 - (a) Berapakah keluarga yang telah kehilangan ibu bapa dan menjadi yatim piatu?
 - (b) Berapakah yang kematian ibu atau bapa?
 - (c) Bagaimanakah dengan nasib anak yatim ini? Adakah mereka dihantar ke rumah kebajikan atau kepada keluarga terdekat mereka?

**YB. DR. NORLELA BINTI ARIFFIN
MENJAWAB BAGI PIHAK Y.A.B. KETUA MENTERI**

1. (a) Setakat 23 November 2021, data yang diperolehi dari Jabatan Pendidikan Negeri Pulau Pinang terdapat dua (2) buah keluarga yang kehilangan ibu dan bapa akibat COVID-19 dimana melibatkan empat (4) orang kanak-kanak.
 - (b) Jumlah kanak-kanak yang kehilangan ibu atau bapa dan ibu bapa akibat COVID-19 di Pulau Pinang adalah seramai 299

orang melibatkan seramai 224 kanak-kanak berbangsa Melayu, 47 kanak-kanak berbangsa Cina, 24 kanak-kanak berbangsa India dan 4 kanak-kanak berbangsa lain-lain. Senarai kanak-kanak terlibat mengikut daerah dan kaum adalah seperti di **Lampiran A** dari Jabatan Pendidikan Negeri Pulau Pinang (Sehingga 23 November 2021) yang akan diletakan di atas meja Yang Berhormat selepas selesai sesi soalan lisan.

(c) Kerajaan Negeri melalui Jabatan Kebajikan Masyarakat (JKM) telah melaksanakan langkah-langkah berikut bagi membantu kanak-kanak yang kehilangan ibu atau bapa akibat COVID-19:

(i) Membuat siasatan ke atas keperluan penjagaan kanak-kanak yang terlibat. Berdasarkan rekod JKM, tiada kanak-kanak yang kehilangan ibu atau bapa akibat COVID-19 dimasukkan ke institusi kebajikan. Hal ini kerana semua kanak-kanak yang terlibat adalah di bawah penjagaan keluarga ataupun saudara terdekat;

- (ii) Menghubungi keluarga kanak-kanak yang terlibat bagi menawarkan khidmat Kaunselor Jabatan kepada kanak-kanak yang memerlukan;
- (iii) Memberikan bantuan bakul makanan kepada keluarga yang terkesan; dan
- (iv) Memberikan borang permohonan bantuan dan mengesyorkan skim bantuan yang boleh dimohon mengikut kelayakan.

EXCO Kesihatan

Pada 22 November 2021, majlis serahan COVID-19 *relief fund* RM111,000.00 untuk bantu 111 pelajar B40 Anak Yatim yang kehilangan ibu atau bapa akibat jangkitan COVID-19 dari 21 sekolah telah diusahakan oleh YB EXCO bersama Pn. Leena, Presiden Lions Club Bayan Baru untuk mengumpul dana bagi membantu pelajar-pelajar anak yatim dimana setiap pelajar diberi sumbangan sebanyak RM1,000.00 seorang.

Selain daripada itu, *Special Taskforce* di bawah MMK Kesihatan untuk membincangkan isu-isu anak yatim akibat jangkitan COVID-19.

LAMPIRAN A

JUMLAH MURID KEMATIAN IBU BAPA, IBU ATAU BAPA AKIBAT COVID-19 DI PULAU PINANG

Sumber: JPNPP

DIL	DAERAH	JUMLAH MURID	SEK. REN	SEK. MEN	SEK. AGAMA	KEMATIAN WARIS				BANGSA			
						BAPA	IBU	PENJAGA	IBU BAPA	MELAYU	CINA	INDIA	LAIN-LAIN
1	TIMUR LAUT	95	44	51	0	64	29	2	0	63	20	10	2
2	SEBERANG PERAI UTARA	47	23	22	2	28	16	3	0	37	10	0	0
3	SEBERANG PERAI TENGAH	84	39	43	2	56	23	1	4	66	10	8	0
4	SEBERANG PERAI SELATAN	32	13	18	1	22	10	0	0	22	7	3	0
5	BARAT DAYA	41	23	18	0	24	17	0	0	36	0	3	2
JUMLAH KESELURUHAN		299	142 (47.4%)	152 (50.8%)	5 (1.7%)	299				224 (74.9%)	47 (15.7%)	24 (8.0%)	4 (1.3%)